

**სახელმწიფო შესყიდვების შესახებ ხელშეკრულების ფორმა და პირობები  
(პროექტი)**

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ტენდერში გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად (სატენდერო დოკუმენტაციის ტექნიკური პირობებით განსაზღვრულ მოთხოვნათა ფარგლებში)

**ხელშეკრულება სახელმწიფო შესყიდვის შესახებ N**

ქ.თბილისი,

„----“ ----- 2017 წელი

**შემსყიდველი:** აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტრო, წარმოდგენილი ----- სახით.

**მისამართი:** ქ.თბილისი, ვაჟა-ფშაველას გამზირი №16.

**საიდენტიფიკაციო კოდი:** №249250466

**საბანკო რეკვიზიტები:** 300919921 სახელმწიფო ხაზინა, აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტრო.

**მიმწოდებელი:** \_\_\_\_\_  
(დასახელება, მისამართი),

წარმოდგენილი ----- სახით.

საიდენტიფიკაციო კოდი -----

საბანკო რეკვიზიტები -----

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი „აფხაზეთიდან იძულებით გადაადგილებულ პირთა სოციალური მხარდაჭერის პროგრამის" "სამედიცინო პერსონალის პირველადი გადაუდებელი სამედიცინო დახმარების" გადამზადების კომპონენტის სახელმწიფო შესყიდვაზე SPA ----- (**შესყიდვის ობიექტის მოკლე აღწერა, კლასიფიკატორის კატეგორიის, ქვეკატეგორიის, კლასის, ჯგუფის ან დანაყოფის კოდი**), რომელშიც გამარჯვებულად მიჩნეულ იქნა მიმწოდებლის სატენდერო წინადადება, მხარეები შევთანხმდით შემდეგზე:

**1. გამოყენებულ ტერმინთა განმარტებები**

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – „შემსყიდველსა“ და „მიმწოდებელს“ შორის დადებული

„ხელშეკრულება“, რომელიც ხელმოწერილია მხარეთა მიერ, მასზე თანდართული ყველა დოკუმენტით და, ასევე, მთელი დოკუმენტაციით, რომელზეც ხელშეკრულებაში მინიშნებებია;

1.2. „ხელშეკრულების ღირებულება“ - თანხა, რომლის გადახდის ვალდებულება ეკისრება „შემსყიდველს“ „მიმწოდებლის“ მიერ „ხელშეკრულებით“ ნაკისრი ვალდებულებ(ებ)ის სრული და ზედმიწევნით შესრულებისთვის;

1.3. „დღე“, „კვირა“, „თვე“ - სამუშაო დღე, კვირა, თვე;

1.4. „შემსყიდველი“ - ორგანიზაცია, რომელიც ახორციელებს შესყიდვას;

1.5. „მიმწოდებელი“ - პირი, რომელიც ახორციელებს „მომსახურების“ მიწოდებას „ხელშეკრულების“ პირობების შესაბამისად;

1.6. „მხარეები“ - „შემსყიდველი“, რომელიც ახორციელებს შესყიდვას და „მიმწოდებელი“, რომელიც ახორციელებს „მომსახურების“ მიწოდებას, „ხელშეკრულების“ პირობების გათვალისწინებით;

1.7. „მომსახურება“ - „ხელშეკრულების“ მე-2 მუხლით გათვალისწინებული შესყიდვის ობიექტი;

1.8. „ტექნიკური დოკუმენტაცია“ - „მიმწოდებლის“ მიერ წარმოდგენილი ტექნიკური დოკუმენტაცია და ფასების ცხრილი, რომელიც შეესაბამება სატენდერო დოკუმენტაციით გათვალისწინებულ მოთხოვნებს, წარმოადგენს „ხელშეკრულების“ განუყოფელ ნაწილს და რომლის ნამდვილობაზეც პასუხს აგებს „მიმწოდებელი“ საქართველოს მოქმედი კანონმდებლობის შესაბამისად;

1.9. „ინსპექტირება“ - „ხელშეკრულების“ პირობების შესრულების კონტროლი და ზედამხედველობა.

## 2. ხელშეკრულების საგანი

პროგრამა ითვალისწინებს „აფხაზეთიდან იძულებით გადაადგილებულ პირთა სოციალური მხარდაჭერის პროგრამის" სამედიცინო პერსონალის პირველადი გადაუდებელი სამედიცინო დახმარების მხრივ გადამზადების კომპონენტის სახელმწიფო შესყიდვას (30 ექიმის გადამზადების სახით). სასწავლო კურსის შემადგენლობა კომპლექტდება აფხაზეთის ა/რ ჯანმრთელობისა და სოციალური დაცვის სამინისტროს მიერ.

სასწავლო პროგრამები უნდა მოიცავდეს გაიდლაინებზე და საუკეთესო პრაქტიკაზე დაფუძნებულ თეორიულ ნაწილსა [პროგრამებით - (BLS) სიცოცხლის გადარჩენის ბაზისური ალგორითმი, (ALS) დახვეწილი კარდიოვასკულარული დახმარება, (PHTLS) პრეჰოსპიტალური ტრავმის სიცოცხლის შენარჩუნების მეთოდები და (ATLS) მწვავე ტრავმის მართვა] და პრაქტიკული უნარ-ჩვევების სწავლებას [კლინიკური სიმულაციები და გადაუდებელ სამედიცინო განყოფილებაში (Emergency) მორიგეობა]; აგრეთვე, სიმულაციური სავარჯიშოების და კატასტროფის იმიტაციის ჩატარებას; ინტერაქტიულ

მუშაობას და სასწავლო თემებზე სიტუაციური სავარჯიშოების ჩატარებას. სწავლება უნდა განხორციელდეს სათანადო ხელშემწყობ გარემოსა და პირობებში (მათ შორის, შესაბამისი ფართის სასწავლო ოთახები, სასწავლო ლიტერატურა და სახელმძღვანელო მასალები, საგანმანათლებლო-საინფორმაციო ტექნოლოგიები, სასწავლო-სამედიცინო ინვენტარი და სხვ.).

### **3. ხელშეკრულების ღირებულება**

3.1. ხელშეკრულების ღირებულება შეადგენს ----- ლარს; ერთი სპეციალისტის გადამზადების ღირებულება ----- ლარს.

3.2. ხელშეკრულების ღირებულება მოიცავს „მიმწოდებლის“ მიერ ხელშეკრულებით ნაკისრი ვალდებულებების შესრულებასთან დაკავშირებულ მიმოწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.

### **4. მომსახურების მიწოდების პირობები:**

#### ***მომსახურების მიწოდების ვადა:***

4.1. მომსახურების მიწოდების ვადაა ხელშეკრულების გაფორმებიდან 2017 წლის 20 დეკემბრის ჩათვლით.

4.2. მიმწოდებელმა უნდა უზრუნველყოს მომსახურების მიწოდება ეტაპობრივად, შემსყიდველის მოთხოვნის შესაბამისად.

#### ***4.3. მომსახურების მიწოდების ადგილი:***

4.3.1. მომსახურების მიწოდების ადგილად განისაზღვრება ქ. თბილისი (მისამართი).

4.3.2. მომსახურების გაწევის ადგილის ცვლილების შემთხვევაში, შემსყიდველი წინასწარ (ერთი კვირით ადრე) აცნობებს მიმწოდებელს ახალ მისამართს, რაზეც გაფორმდება შესაბამისი წერილობითი შეთანხმება.

### **5. მომსახურების მიღება-ჩაბარების წესი**

5.1. შესყიდვის ობიექტის/მომსახურების მიღება-ჩაბარება განხორციელდება ეტაპობრივად, შემსყიდველისა და მიმწოდებელის უფლებამოსილი წარმომადგენლების მიერ მიღება-ჩაბარების აქტის გაფორმებით (ხელშეკრულების დანართი N1-ით განსაზღვრული ფორმის შესაბამისად).

5.2. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს სამინისტროს მიერ გამოყოფილი პროგრამის კოორდინატორი (მისი არყოფნისას - თანაკოორდინატორი).

### **6. ანგარიშსწორება**

6.1. მომსახურების ღირებულების ანაზღაურება მოხდება ეტაპობრივად, უნაღდო ანგარიშსწორებით, ეროვნულ ვალუტაში.

6.2. ანგარიშსწორება შემსყიდველის მიერ მოხდება მომსახურების მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და მიმწოდებლის მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის განმავლობაში.

6.3. მიღება-ჩაბარების აქტ(ებ)ის გაფორმებასთან ერთად, მიმწოდებელი ვალდებულია წარუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

## **7. მხარეთა ვალდებულებები და უფლებები**

### **7.1. მიმწოდებელი ვალდებულია:**

7.1.1. უზრუნველყოს შემსყიდველისათვის დროული და ხარისხიანი მომსახურების მიწოდება;

7.1.2. დაუყოვნებლივ, საკუთარი ხარჯით უზრუნველყოს შემსყიდველის მიერ ინსპექტირებისას გამოვლენილი დეფექტებისა და ნაკლოვანებების (ასეთის არსებობის შემთხვევაში) აღმოფხვრა.

7.1.3. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.4. ხელშეკრულების გაფორმების შემდეგ მიმწოდებელს არ აქვს უფლება ხელშეკრულებით ნაკისრი ვალდებულებები განახორციელოს ქვეკონტრაქტორის მეშვეობით შემსყიდველის წინასწარი წერილობითი თანხმობის გარეშე, ამასთანავე, მიმწოდებელს უფლება არ აქვს მთლიანად ან ნაწილობრივ, შემსყიდველის წერილობითი თანხმობის გარეშე, გადასცეს მესამე პირს ხელშეკრულებით მისთვის მინიჭებული უფლება-მოვალეობანი.

7.1.5. მიმწოდებელმა შესრულებული მომსახურების შესახებ დოკუმენტაცია უნდა წარადგინოს ყოველი სასწავლო ციკლის დასრულებიდან არაუგვიანეს 10 სამუშაო დღის ვადაში.

7.1.6. ზედმიწევნით და განუხრელად დაიცვას წინამდებარე ხელშეკრულების პირობები;

7.1.7. სასწავლო/სატრენინგო პროცესი ჩაატაროს ტენდერის ტექნიკურ დავალებაში მითითებული პარამეტრების სრული დაცვით.

### **7.1.8. უზრუნველყოს:**

- მსმენელთა მუდმივი მონიტორინგი და გადამზადებულთა მიმდინარე და საბოლოო შეფასება;

- აფხაზეთის ა/რ ჯანმრთელობისა და სოციალური დაცვის სამინისტროს მონიტორინგის/კონტროლის ჯგუფის მუშაობის ხელშეწყობა და უზრუნველყოფა

საჭირო დოკუმენტაციით და მასალებით (სასწავლო პროგრამები, სახელმძღვანელოები და სხვა);

- სასწავლო პროცესის საბოლოო შედეგებზე ანგარიშგება აფხაზეთის ა/რ ჯანმრთელობისა და სოციალური დაცვის სამინისტროს წინაშე ყოველი კურსის დასრულების შემდეგ.

## **7.2. „შემსყიდველი“ ვალდებულია:**

7.2.1. მოახდინოს ანგარიშსწორება მიმწოდებელთან ხელშეკრულების პირობების შესაბამისად.

## **7.3. მხარეთა უფლებები**

7.3.1. მიმწოდებელს უფლება აქვს:

7.3.2. ხელშეკრულების ფარგლებში მოითხოვოს დროული და სრული დაფინანსება.

7.3.3. შემსყიდველს უფლება აქვს:

ა) მოსთხოვოს მიმწოდებელს დამატებითი ინფორმაცია და დოკუმენტები, რაც უკავშირდება მიმწოდებლის მიერ გაწეულ მომსახურებას;

ბ) ცალმხრივად შეწყვიტოს ხელშეკრულების მოქმედება იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ მიმწოდებლისადმი გაგზავნილ წერილობით შეტყობინებაში მითითებული ვადიდან.

## **8. ხელშეკრულების კონტროლი**

8.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ხელშეკრულების შესრულების კონტროლი, რასაც ჩაატარებს „სახელმწიფო შესყიდვების ხელშეკრულების პირობების შესრულების კონტროლის განხორციელების“ შესახებ აფხაზეთის ავტონომიური რესპუბლიკის ჯანმრთელობისა და სოციალური დაცვის მინისტრის 2017 წლის 18 იანვრის #მ/ს-6 ბრძანებით განსაზღვრული ჯგუფის მიერ.

8.2. კონტროლის განხორციელებისას მიმწოდებელი ვალდებულია შეასრულოს „გამარტივებული ელექტრონული ტენდერისა და ელექტრონული ტენდერის ჩატარების წესის“ 22-ე მუხლით განსაზღვრული მოთხოვნები.

8.3. საკონტროლო ინსპექტირების განხორციელებასთან დაკავშირებული ყველა საჭირო საბუთის წარდგენა და საორგანიზაციო საკითხების გადაწყვეტა ეკისრება მიმწოდებელს.

8.4. ინსპექტირების განმახორციელებელი პირ(ებ)ის უფლება-მოვალეობები:

8.4.1. მიმწოდებლის მიერ ხელშეკრულებით ნაკისრი ვალდებულებების ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლის/ზედამხედველობის განხორციელება და აღნიშნულის თაობაზე ინსპექტირების შესაბამისი დასკვნის მომზადება.

## **9. ფორს-მაჟორი**

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რასაც გააჩნია წინასწარ გაუთვალისწინებელი ხასიათი (ომი, სტიქიური მოვლენები, ეპიდემია, კარანტინი, საბიუჯეტო ასიგნების მკვეთრი შემცირება და სხვა).

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **10. ხელშეკრულების პირობების გადასინჯვა**

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

### **11. ხელშეკრულების შესრულების შეფერხება:**

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) კალენდარული დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. შეთანხმებული გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

### **12. ხელშეკრულების პირობების შეუსრულებლობა**

12.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/ და შესრულების ვადების გადაცდენის შემთხვევაში მხარეებს ეკისრება პირგასამტეხლო შეუსრულებელი ვალდებულების 0.02%-ის ოდენობით, ყოველ ვადაგადაცილებულ დღეზე გაანგარიშებით.

12.2. პირგასამტეხლოს გადახდა უნდა განხორციელდეს მხარის მიერ მეორე მხარისადმი გაგზავნილ შესაბამის წერილში მითითებული ვადიდან არაუგვიანეს 15 (თხუთმეტი) დღის განმავლობაში.

12.3. საჯარიმო სანქციების გადახდა მხარეებს არ ათავისუფლებს ძირითადი ვალდებულებების შესრულებისაგან.

12.4. იმ შემთხვევაში თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს გადახდა.

### **13. სადაო საკითხების გადაწყვეტა**

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოავარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

13.2. თუ ასეთი მოლაპარაკების დაწყებიდან 10 (ათი) სამუშაო დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

#### **14. ხელშეკრულების შეწყვეტა**

14.1. ხელშეკრულება წყდება ხელშეკრულების ვადის გასვლით, ხელშეკრულების პირობების შესრულებით ან მხარეთა წერილობითი შეთანხმების საფუძველზე.

14.2. ხელშეკრულება შეიძლება ცალმხრივად შეწყდეს ამ ხელშეკრულებით გათვალისწინებულ ცალკეულ შემთხვევებში.

14.3. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში.

14.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

#### **15. ხელშეკრულების შესრულება**

15.1. ხელშეკრულება შესრულებულად ჩაითვლება შემსყიდველის მიერ ხელშეკრულებით გათვალისწინებული პირობების შესრულების შემდეგ.

#### **16. ხელშეკრულების მოქმედების ვადა**

16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

16.2. ხელშეკრულების მოქმედების ვადა განისაზღვრება 2018 წლის 31 იანვრის ჩათვლით.

#### **17. სხვა პირობები, დასკვნითი დებულებები**

17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

17.2. ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას.

17.3. მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.



17.6. ხელშეკრულება შედგენილია 2 ეგზემპლარად, რომლებიც ინახება მხარეებთან და თითოეულ მათგანს გააჩნია თანაბარი იურიდიული ძალა. ხელშეკრულების ერთი ეგზემპლარი ინახება მიმწოდებელთან, ერთი - შემსყიდველთან.

**18. მხარეთა რეკვიზიტები:**

„შემსყიდველი“

„მიმწოდებელი“

ხელშეკრულების დანართი 1  
მომსახურების  
მიღება-ჩაბარების აქტი

ქ. თბილისი,

„-----“ ----- 2017წ.

წინამდებარე აქტი შედგენილია მასზედ, რომ, 2017 წლის \_\_\_\_ ----- N \_\_\_\_  
ხელშეკრულების საფუძველზე, „მიმწოდებელმა“ განახორციელა  
----- ლარის მომსახურების მიწოდება.

(თანა ციფრებით და სიტყვიერად)

წინამდებარე აქტი შედგენილია 2 თანაბარი ძალის მქონე ეკზემპლარად.

დანართი: შესრულებული სამუშაოს ამსახველი დოკუმენტაცია .....ფურცელზე.

აქტის სისწორეს ვადასტურებთ ხელმოწერით:

შემსყიდველი

მიმწოდებელი

აფხაზეთის ავტონომიური რესპუბლიკის

ჯანმრთელობისა და სოციალური დაცვის

სამინისტროს პროგრამის

კოორდინატორი/თანაკოორდინატორი

-----ბ.ა.

-----ბ.ა.